



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De milite decollato, qui per eam euasit gehennam, cap. 58.

urn:nbn:de:hbz:466:1-13177

ālapam est sanata. Vocabatur Albertus, & licet corpore fuerit castus, satis tamen extitit secularis & deliciatus, atque in vestibus curiosus. Ne tamen causari possis, quod vniuersorum Domina tantum claustralibus virginibus, vel continentibus decedentibus, suam præsentiam visibiliter impēdat, eosque ad vitam eternam perducat, personam laicam & vxoratā tibi proponam.

C A P V T L V I I .

Civis quidam de Tulpero, vir honestus, Cuno nomine, in hac extrema expeditione signatus, cum alijs peregrinis ad mare usque peruenit: ibi grauiter infirmatus, cūm moriturus esset, cœpit mirabiliter iocundari: requirentibus socijs de causa lætitiae, respondit: Quare non gaudeam? ecce Domina nostra sancta Maria hīc prælens est, & hæc mihi dixit: Cuno quia reliquisti uxorem, filios, & omnia tua, propter honorem filij mei periculis te expōnens, ego bene & plenè retribuam tibi: qui statim exclamauit: En video cœlum apertum, & in eo sedem mihi præparatam, ad quam celerius sum ascensurus; moxque sacro oleo postulans se inungi, & viatico Dominici corporis muniri, hominem peregre deposuit, & sicut verus peregrinus, in cœlesti patria laboris sui præmium suscepit. **A P O L L O N I V S :** Non miror, si homo iste justus, vel potius per crucis signationem justificatus, tam mirifica vidit & promeruit, sed, si nosti, dic vnde mirer. **C A E S A R I V S :** Duo tibi dicam exempla diuinæ pietatis, eiusque genitricis, quæ te non solùm in admirationem, imò etiam in stuporem meritò conuertant.

C A P V T L V I I I .

Miles quidam nobilis, sed criminosus, tempore quodam ab inimicis suis captus est, & quia mortales erant inter eos inimicitiaz, visum est eis expedire, ut in instati occideretur: cernes vir nobilis sibi morte imminere, & nullum adesse remedium vita, supplici voce dixit ad illos: Rogo vos intuitu Dei, ut ad modicum morte mea differre dignemini,

mini, quatenus alicui sacerdotum peccata mea possum confiteri. Responderunt illi: Non esset nobis hæc dilatio tuta; & contingere posset, vt cognati & amici tu i venientes, eriperent te de manibus nostris, & esset error nouissimus peior priore. Cui cùm præcepissent, vt se prosterneret ad decollationem, dixit hoc verbum: Deus tu scis voluntatem meam, & subjunxit: Animam meam commendabo Virginis filio: sicque decollatus est. Erat tunc temporis obsessus quidam in vicinio, cui cùm dicerent quidam, audita morte tanti tyranni: Modò magnum habetis gaudium, propter animam militis illius facinorosi: lugubri voce respondit: Nequaquam, vnum enim verbum moriens protulit, propter q̄ saluatus est. Haud dubiū quin ope beatæ Virginis, cuius filio animam occidendum cōmisit,

Luc. 23. pœnis gehennæ sit subtractus, & cum latrone confidente paradisi gaudijs addictus. Aliud tibi referam, unde amplius mireris, quod mihi Abbas ordinis nostri retulit, circa hoc quinquenniū dicēs illud contigile.

C A P V T L I X.

IN vicinia ciuitatis Tridentinæ, sicut mihi retulit quidam Abbas, latro nominatus versabatur, à quo multi deprédabantur, & qui se defendere voluerūt nec potuerunt, occidebantur: hic cùm die quadam monachum quēdam ordinis nostri obuium haberet, sperans quod pecuniam portaret, ait: Nisi voluntariè sequaris me, occidam te, quem cū monachus sequeretur, & quereret in via, quis esset, vel quid operis haberet? respondit ille: Ego sum latro ille famosus, nomen suum exprimēs, cui cùm monachus diceret: Iam int̄ipitis canescere, & non timetis animæ vestrae? respondit ille: Non plus quam pecus, & tacuit monachus: veniens in speluncam illius, ait intra se: Si posles hominem hunc conuertere, magnum Deo praestares obsequium, dixitq; ad latronem: Si licet mihi aliquid vos interrogare? respōdente illo, licet; monachus subjunxit: Qualis extitit vita vestra a principio? Respondit ille: Pessima; quando puer eram, cum omnibus meis coetaneis contendebam; factus adolescēs, furtis operam